



*ZAPISNIK  
O RADU SJEDNICE GRADSKOG VIJEĆA GRADA SARAJEVA  
SAZVANE ZBOG HITNOG SLUČAJA  
ODRŽANE 10.11.2016. GODINE I 15. 11. 2016. GODINE*

*Sarajevo, novembar, 2016. godine*

*ZAPISNIK  
O RADU SJEDNICE GRADSKOG VIJEĆA GRADA SARAJEVA  
SAZVANE ZBOG HITNOG SLUČAJA  
ODRŽANE 10.11.2016. GODINE I 15. 11. 2016. GODINE*

Broj: 01-02- 1766 /16

Datum: 10.11.2016. godine i 15.11.2016.godine

Sjednica je počela s radom u 10.00 sati.

Sjednicom je predsjedavao Suljo Agić, predsjedavajući Gradskog vijeća Grada Sarajeva. Prisutni su bili sljedeći gradski vijećnici:

- |                             |                         |
|-----------------------------|-------------------------|
| 1. Suljo Agić               | 15. Jusuf Lošić         |
| 2. Novka Agić               | 16. Omer Pajević        |
| 3. Vedran Dodik             | 17. Robert Pleše        |
| 4. Vibor Handžić            | 18. Branislava Rakonjac |
| 5. Alija Hodžić             | 19. Boris Riderle       |
| 6. Avdo Hodžić              | 20. Jasmin Smječanin    |
| 7. Hasan Hodžić             | 21. Arijana Talović     |
| 8. Enes Husejnović          |                         |
| 9. Drago Jurić              |                         |
| 10. Prof. dr. Velija Katica |                         |
| 11. Suvad Kerla             |                         |
| 12. Stjepan Kljuić          |                         |
| 13. Sanja Lazar             |                         |
| 14. Miro Lazović            |                         |

Odsutni: Vernes Ćosić, Dr.sci Slaven Kovačević, Nebojša Simić, Igor dr Gavrić, Edina Latif, Miroslav Živanović, Mr. Gradimir Gojer (najavljeni izostanci).

Pored gradskih vijećnika sjednici su prisustvovali:

- Abdulah Skaka, zamjenik Gradonačelnika
- Safet Krajišnik, sekretar Gradskog vijeća Grada Sarajeva,
- Jasmina Karović, pravobranilac Grada Sarajeva,
- Elvir Hdžiahmetović, sekretar Gradske uprave Grada Sarajeva,
- Nedreta Komarica, pomoćnik Gradonačelnika za urbano planiranje i stambene poslove,
- Firdevsa Bračković, pomoćnik Gradonačelnika za lokalno poslovanje i razvoj grada,
- Ramiz Kadić, pomoćnik Gradonačelnika za obrazovanje, kulturu i sport,
- Hamdo Karić, pomoćnik Gradonačelnika za komunalne poslove, te

- članovi Komisije za Statut i akte Gradskog vijeća koji nisu gradski vijećnici (prema evidenciji u Službi Gradskog vijeća),

**Predsjedavajući Gradskog vijeća Suljo Agić** je pozdravio prisutne gradske vijećnike, te otvorio sjednicu Gradskog vijeća Grada Sarajeva, sazvanu zbog hitnog slučaja, u skladu s članom 70. stav 6. Poslovnika Gradskog vijeća, uz konstataciju da sjednici prisustvuje 21 gradski vijećnik, te da sjednica ima kvorum za punovažan rad i odlučivanje.

\*\*\*

Poslije izjašnjanja, **Predsjedavajući Gradskog vijeća Suljo Agić** konstatirao je da se dva gradska vijećnika nisu izjasnila, a da je **Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika, usvojilo Zapisnik o radu 43. sjednice Gradskog vijeća Grada Sarajeva.

**Predsjedavajući Gradskog vijeća Suljo Agić** je zatim najavio razmatranje prijedloga dnevnog reda sjednice i dao napomene sljedećeg sadržaja.

Pred početak sjednice gradski vijećnici su dobili Zahtjev Gradonačelnika za preispitivanje Odluke o dodjeli priznanja „Plaketa Grada Sarajeva“ (*Ali Lafcioglu*). Statutom Grada Sarajeva, u članu 55. propisano je postupanje po ovakvom zahtjevu. S tim u vezi, sjednica Gradskog vijeća je zakazana kao hitna, da bi se, u propisanom roku, Gradsko vijeće moglo odrediti o podnesenom zahtjevu Gradonačelnika. Gradonačelnik je zahtjev podnio 28.10.2016. godine.

Zatim je predložio da **dnevni red** sjednice čini samo jedna tema i to:

- **Razmatranje Zahtjeva Gradonačelnika za preispitivanje Odluke o dodjeli priznanja „Plaketa Grada Sarajeva“ (Ali Lafcioglu)**

Usljedila je rasprava o proceduralnim pitanjima u kojoj su sudjelovali **gradski vijećnik Alija Hodžić**, te **Predsjedavajući Gradskog vijeća Suljo Agić**, zatim **gradska vijećnica Sanja Lazar**, a mišljenje je dao **Sekretar Gradskog vijeća Safet Krajišnik**. Dalje su raspravljali **gradski vijećnik Vedran Dodik** i **Predsjedavajući Gradskog vijeća Suljo Agić**, a mišljenje je ponovo dao **Sekretar Gradskog vijeća Safet Krajišnik**.

Poslije izjašnjanja, **Predsjedavajući Gradskog vijeća Suljo Agić**, je konstatirao da se četiri gradska vijećnika nisu izjasnila, a da je je **Gradsko vijeće Grada Sarajeva**, **jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova, prisutnih gradskih vijećnika, usvojilo dnevni red sjednice Gradskog vijeća kako je i predložen.

**Ad 1) Razmatranje Zahtjeva Gradonačelnika za preispitivanje Odluke o dodjeli priznanja „Plaketa Grada Sarajeva“ prof. Ali Lafcioglu**

**Predsjedavajući Gradskog vijeća Suljo Agić** je podsjetio da je Zahtjev za preispitivanje Odluke podnio Gradonačelnik u skladu s propisanom procedurom, te iznio uvodne napomene sljedećeg sadržaja.

U pripremi 43. sjednice Gradskog vijeća, zasjedao je Kolegij Gradskog vijeća, i nadležna radna tijela Gradskog vijeća koja su razmatrala materijale. U skladu s Poslovníkom Gradskog vijeća,

pozivi za sjednicu Kolegija, odnosno za sjednice nadležnih radnih tijela su upućivani i Gradonačelniku.

Sjednicama su, uglavnom, i prisustvovali predstavnici Gradonačelnika. Gradonačelnik nije dostavio Gradskom vijeću mišljenje o predmetnom prijedlogu (član 117. stav 2. i član 122. stav 4. Poslovnika Gradskog vijeća). Također, predstavnici Gradonačelnika na sjednicama Kolegija, odnosno, nadležnih radnih tijela nisu ni usmeno iznijeli mišljenje Gradonačelnika po ovom pitanju.

Pored navedenog, i Gradonačelnik i zamjenici Gradonačelnika, bili su pozvani i prisustvovali su sjednici Gradskog vijeća. Ni pri razmatranju prethodnih pitanja, niti pri razmatranju prijedloga odluke, čije usvajanje se problematizira, nisu iznosili svoje mišljenje.

Odnosno, Gradonačelnik nije upoznao Gradsko vijeće s informacijama koje je imao iz jula mjeseca tekuće godine, a na koje se poziva u prijedlogu za preispitivanje odluke.

Uvodno izlaganje je podnio **zamjenik Gradonačelnika Abdulah Skaka**.

U raspravi su sudjelovali **gradski vijećnik Jusuf Lošić, gradski vijećnik Omer Pajević, gradski vijećnik Velija Katica, gradska vijećnica Sanja Lazar**. Diskusiju su nastavili **gradska vijećnica Novka Agić, gradski vijećnik Vibor Handžić, gradski vijećnik Alija Hodžić, gradski vijećnik Jusuf Lošić**, te **zamjenik Predsjedavajućeg Gradskog vijeća Miro Lazović**. Dalje su diskutirali **gradski vijećnik Jusuf Lošić i gradski vijećnik Robert Pleše**, a  dodatna obrazloženja je dao **zamjenik Gradonačelnika Abdulah Skaka**.

**Gradska vijećnica Sanja Lazar** je zatim ponovila pitanja koja je postavila u diskusiji, i zatražila odgovor, a dodatna obrazloženja dao je **zamjenik Gradonačelnika Abdulah Skaka**.

Raspravu je nastavila **gradska vijećnica Novka Agić**, a zatim i **gradski vijećnik Vibor Handžić**, a zatim je **Predsjedavajući Gradskog vijeća Suljo Agić** zaključio raspravu i najavio pauzu.

\*\*\*

Poslje pauze uslijedila je rasprava o proceduralnim pitanjima u kojoj su sudjelovali **gradski vijećnik Hasan Hodžić, Predsjedavajući Gradskog vijeća Suljo Agić**, a zatim je **gradski vijećnik Jusuf Lošić** predložio da se sjednica prekine i nastavi kasnije kako bi se radu sjednice pridružio veći broj gradskih vijećnika.

O izneseneom prijedlogu su raspravljali **gradski vijećnik Vedran Dodik i zamjenik Predsjedavajućeg Gradskog vijeća Miro Lazović**.

Poslije izjašnjavanja, **Predsjedavajući Gradskog vijeća Suljo Agić**, je konstatirao da se tri gradska vijećnika nisu izjasnila, a da je **Gradsko vijeće Grada Sarajeva, većinom glasova** izjasnivši se sa 16 glasova “za”, bez glasova “protiv” i uz dva “suzdržana” glasa, prisutnih gradskih vijećnika, usvojilo prijedlog da se prekine rad sjednice, a da se nastavak sjednice održi u utorak, 15. 11. 2016. godine, s početkom u 10. sati.

Zasjedanje je završeno u 11:45 sati.

\*\*\*

Sjednica je nastavila s radom 15. 11. 2016. godine s početkom u 10.00 sati.

Sjednicom je predsjedavao Suljo Agić, predsjedavajući Gradskog vijeća Grada Sarajeva. Prisutni su bili sljedeći gradski vijećnici:

- |                              |                         |
|------------------------------|-------------------------|
| 1. Suljo Agić                | 15. Jusuf Lošić         |
| 2. Novka Agić                | 16. Omer Pajević        |
| 3. Vedran Dodik              | 17. Robert Pleše        |
| 4. Mr. Gradimir Gojer        | 18. Branislava Rakonjac |
| 5. Vibor Handžić             | 19. Boris Riderle       |
| 6. Alija Hodžić              | 20. Nebojša Simić       |
| 7. Hasan Hodžić              | 21. Jasmin Smječanin    |
| 8. Enes Husejnović           | 22. Arijana Talović     |
| 9. Drago Jurić               |                         |
| 10. Prof. dr. Velija Katica  |                         |
| 11. Suvad Kerla              |                         |
| 12. Stjepan Kljuić           |                         |
| 13. Dr. sci Slaven Kovačević |                         |
| 14. Miro Lazović             |                         |

Odsutni: Vernes Čosić, Avdo Hodžić, Edina Latif, Sanja Lazar, Miroslav Živanović, Igor dr. Gavrić (najavljeni izostanci).

Pored gradskih vijećnika sjednici su prisustvovali:

- Ranko dr Čović, zamjenik Gradonačelnika
- Abdulah Skaka, zamjenik Gradonačelnika
- Safet Krajišnik, sekretar Gradskog vijeća Grada Sarajeva,
- Jasmina Karović, pravobranilac Grada Sarajeva,
- Elvir Hadžiahmetović, sekretar Gradske uprave Grada Sarajeva,
- Nedreta Komarica, pomoćnik Gradonačelnika za urbano planiranje i stambene poslove,
- Firdevsa Bračković, pomoćnik Gradonačelnika za lokalno poslovanje i razvoj grada,
- Ramiz Kadić, pomoćnik Gradonačelnika za obrazovanje, kulturu i sport,
- Hamdo Karić, pomoćnik Gradonačelnika za komunalne poslove,
- članovi Komisije za Statut i akte Gradskog vijeća koji nisu gradski vijećnici (prema evidenciji u Službi Gradskog vijeća),

**Predsjedavajući Gradskog vijeća Suljo Agić** je pozdravio prisutne gradske vijećnike, te najavio nastavak rada sjednice Gradskog vijeća Grada Sarajeva, sazvane zbog hitnog slučaja, u skladu s članom 70. stav 6. Poslovnika Gradskog vijeća, čiji prvi dio je održan 10. 11. 2016. godine, uz konstataciju da sjednici prisustvuje 21 gradski vijećnik, te da sjednica ima kvorum za punovažan rad i odlučivanje. Zatim je u uvodnim napomenama podsjetio gradske vijećnike na dnevni red sjednice, te upoznao, odnosno podsjetio gradske vijećnike na diskutante iz prvog dijela sjednice, uz konstataciju da sjednici ne prisustvuje gradonačelnik Grada Sarajeva prof. dr Ivo Komšić.

Pozvao je zamjenika Gradonačelnika da se obrati Gradskom vijeću u ime Predlagača, te je **zamjenik Gradonačelnika Abdulah Skaka** upoznao Gradsko vijeće da nema novih saznanja o razmatranom zahtjevu s kojima bi Gradsko vijeće trebalo biti naknadno upoznato.

U diskusiji su sudjelovali **gradski vijećnik Alija Hodžić**, te **gradski vijećnik Velija Katica** koji je postavio proceduralno pitanje, te je **Predsjedavajući Gradskog vijeća Suljo Agić** na njega i odgovorio. Raspravu su nastavili **gradski vijećnik Enes Husejnović**, **gradski vijećnik Omer Pajević**, **gradski vijećnik Vedran Dodik**, te **ponovo gradski vijećnik Alija Hodžić**, a zatim i **gradski vijećnik Hasan Hodžić**, te je odgovor na postavljeno proceduralno pitanje dao **Predsjedavajući Gradskog vijeća Suljo Agić**. Raspravu je nastavio **gradski vijećnik Velija Katica**, **zamjenik Predsjedavajućeg Gradskog vijeća Gradimir Gojer**, a zatim i **Predsjedavajući Gradskog vijeća Suljo Agić** koji je zaključio raspravu, zatražio da se gradskim vijećnicima podijeli Prijedlog Odluke o opozivu Odluke o dodjeli priznanja "Plaketa Grada Sarajeva" (*Ali Lafcioglu*), te je, na zahtjev **gradskog vijećnika Velije Katica**, predsjedavajućeg Kluba gradskih vijećnika SDA, najavio pauzu.

\*\*\*

Poslije izjašnjavaanja, **Predsjedavajući Gradskog vijeća Suljo Agić**, je konstatirao da je **Gradsko vijeće Grada Sarajeva**, većinom glasova izjasnivši se sa 15 glasova "za", dva glasa "protiv" i uz tri "suzdržana" glasa, prisutnih gradskih vijećnika, usvojilo Odluku o opozivu Odluke o dodjeli priznanja "Plaketa Grada Sarajeva" (*Ali Lafcioglu*) kako je predložena.

**Predsjedavajući Gradskog vijeća Suljo Agić** je, između ostalog, podsjetio gradske vijećnike da je utvrđen termin za održavanje 44. sjednica Gradskog vijeća i to u srijedu 23.11.2016. godine sa početkom u 10 časova, a zatim zaključio sjednicu Gradskog vijeća.

*Sjednica Gradskog vijeća Grada Sarajeva je završena u 10.55 sati.*

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Službi Gradskog vijeća Grada Sarajeva.



SEKRETAR GRADSKOG VIJEĆA

Safet Krajišnik

PREDSJEDAVAJUĆI GRADSKOG VIJEĆA

Suljo Agić

Suljo Agić